

Ն Ե Ր Ա Մ Ո Ւ Թ Ի Ի Ն

Ժէ. դարուն երկրորդ կէսը՝ ընդհանուր առմամբ՝ անկման շրջան մ'է Հայ Ազգին և Հայ Եկեղեցւոյն համար:

Հայը քաղաքականապէս կը հեծէ պարսիկներու և օսմանցիներու լուծին տակ: Ժողովուրդը ենթարկուած է կեղեքումներու, հարստահարութեանց (1) և տեղահանութիւններու: Առաքել Դաւրիժեցի կը վկայէ՝ թէ «ի 1655 թուին զղաշտեցի հայերն յԱսպահան քաղաքի մէջէն հանին և յեզր քաղաքի բնակեցուցին, հրամանաւ երկրորդ Շահ Աբասին: Ի 1656 թուին զերեւանցի և զայլ ևս հայերն հանին յԱսպահանայ քաղաքի մէջէն, և յեզր քաղաքին բնակեցուցին հրամանաւ երկրորդ Շահ Աբասին» (2): Բացի սակաւաթիւ բացա-

(1) Առաքել Դաւրիժեցի, Պատմ. Ամսօրերսամ, 1669 էջ 7, 215-236. Jehay F. Van den Steen, De la Situation légale des sujets ottomans non-musulmans, Bruxelles 1906 p. 20-21. Archivio S. C. P. F. Miscel. Tom. X, fol. 133:

(2) Առաքել Դաւրիժեցի, Անդ. էջ 500: